

## Morning Dogri (NSD) National News Bulletin 21-03-2025

### आकाशवाणी

- प्रधानमंत्री नरेन्द्र मोदी होरें विकसित भारत दे निर्माण लेई पैहली गैह दे तौर उप्पर ग्राएं गी विकसित करने दी जरूरत पर जोर पाया ऐ।
- भारती जनता पार्टी नै अपने सभ्बन लोक्सभा सांसदें गी व्हिप जारी करियै अज्ज लोक्सभा च मजूद रौहने दे निर्देश दित्ते न।
- पेंशन निधि विनियामक ते विकास प्राधिकरण – पीएफआरडी नै संगठित पेंशन योजना-यूपीएस दी अमल-आवरी लेई अधिसूचना जारी करी दित्ती ऐ।
- असम सरकारै गुवाहाटी, डिब्रूगढ़ ते सिल्वर च सभ्बन हट्टिए-दकानें ते बपारिक इदारे गी 24 घंटे खुल्ले रखने दी इजाजत देने दा फैसला लैता ऐ।
- जिम्बाब्वे दिएं क्रिस्टी कोवेन्टरी होरें गी अंतराष्ट्री ओलंपिक कमेटी – आईओसी दिएं पैहली महिला अध्यक्ष दे तौर उप्पर चुनेआ गेआ ऐ।
- ते स्कवाश च, एसआरएफआई इंडियन टूर 2025 दे फाईनल च अज्ज भारत दी अकांक्षा सलुन्खे दा मुकाबला भारत दी गै अनाहत सिंह कन्नै होग।

<><><><><><>

### PM Villages

प्रधानमंत्री नरेन्द्र मोदी होरें आखेआ ऐ जे विकसित भारत दे निर्माण दा लक्ष्य हासल करने च ग्राएं गी विकसित करना पैहला कदम ऐ। एह गल्ल उनें गुजरात दे भारवाड़ समाज च बावालियाली धाम दे इक कार्यक्रम दरान वीडियो संदेस राएं आक्खी। इस मौके पर उनें सबका प्रयास गैह गी राष्ट्र दी सब्बने शा बड्डी ताकत आखदे होई एहदे लेई रलर मिलियै जतन करने दी जरूरत पर जोर दित्ता। उनें समुदाय गी सशक्त बनाने लेई शिक्षा दी महत्ता गी बी उजागर कीता। उनें बच्चे गी खास करियै धीएं गी पढ़ाई लखाई च अव्वल आइयै समाज गी सशक्त ते बेहतर बनाने च अपना अनमुल्ला योगदान लेई प्रेरित कीता। इस मौके पर प्रधानमंत्री होरें भारवाद समुदाय दी सेवाएं लेई लगन, कुदरत लेई हिर्ख ते गौ रक्षा लेई प्रतिबद्धता दी सराहना कीती। इस मौके पर प्रधानमंत्री होरें मवेशिएं लेई मुफ्त टीकाकरण आली सरकार आस्सेआ चलाई जा'रदी पैहलकदमी गी बी उजागर कीता ते लोकें गी आग्रह कीता जे ओह एहदा पूरा पूरा लाह ठोआइयै अपने मवेशिएं गी बमारिएं थमां बचान।

<><><><><><>

BJP

बीजेपी नै अपने लोकसभा सदस्यें गी अज्ज खल्के सदन च मजूद रौहने लेई विप जारी कीता ऐ। सूत्रें दा आखना ऐ जे एह निर्देश सदन च केन्द्रीय बजट दे सरबंघे च बक्ख-बक्ख मंत्रालयेंदी अनुदान मंगें पर गिलोटिन लागू करने दी योजना करी दित्ता गेआ ऐ।

<><><><><><>

PFRDA

पेंशन निधि विनियामक ते विकास प्राधिकरण – पीएफआरडीए नै संगठित पेंशन योजना-यूपीएस दी अमल-आवरी लेई अधिसूचना जारी करी दित्ती ऐ। एहदे शा पैहले केंद्र सरकार दे राष्ट्रीय पेंशन प्रणाली-एनपीएस दे तैहत्त औने आहले कर्मचारियें लेई इस ब'रे जनवरी म्हीने अधिसूचना जारी कीती गई ही। पीएफआरडीए नै आखेआ ऐ जे संगठित पेंशन योजना कन्नै सरबंघत नियम अगले म्हीने दी पैहली तरीक थमा लागू होउन। एह नियम त्रै श्रेणियें दे केंद्र सरकार दे कर्मचारियें दे नामांकन च प्रभावी होउन। एहदे च पैहली अप्रैल 2025 तकर सेवारत केंद्र सरकार दे एनपीएस कर्मचारी, केंद्र सरकार दी सेवा च पैहली अप्रैल 2025 यां ओहदे परैन्त भर्ती होने आहले कर्मचारी ते एनपीएस दे तैहत्त 31 मार्च 2025 गी यां ओहदे शा पैहले सेवानिवृत्त होई चुके दे जां अपनी मर्जी कन्नै सेवानिवृत्ति लेई चुके दे यां नियम 56(जे) दे तैहत्त सेवामुक्त करी दित्ते गेदे कर्मचारी शामिल न। केंद्र सरकार दे इ'नें सब्भनें श्रेणियें दे कर्मचारियें लेई नामांकन ते दावा फॉर्म पैहली अप्रैल थमां प्रोटीन सीआरए दी वेबसाइट – [npscra.nsdl.co.in](http://npscra.nsdl.co.in) पर ऑनलाइन उपलब्ध होउन। कर्मचारी फॉर्म गी दस्ती बी जमा करोआई सकदे न।

<><><><><><>

Commerce Minister-IT

बंज ते बपार मंत्री पीयूष गोयल होरें सरकार ते 17 क्षेत्र आस्सेआ 450 अरब डॉलर दे सेवा निर्यात लक्ष्य गी हासल करने लेई सांझी प्रतिबद्धता दा आह्वान कीता ऐ। नमीं दिल्ली च NASSCOM ग्लोबल कांफ्रेंस 2025 दे उद्घाटनी सत्र गी संबोधत करदे होई विश्वास जाहर कीता जे 2025-26 च भारत दा सेवा निर्यात बपारिक निर्यात गी आईटी दी मदाद कन्नै पार करी सकदा ऐ।

मंत्री होरें आखेआ जे इस ब8रे सेवा निर्यात दी 380 अरब डॉलर कोला लेइयै 385 अरब डॉलर दे मझाटै पुज्जने दी संभावना ऐ, जेह्दे कन्नै वैश्विक मंच पर भारत दी मजूदगी होर निगार होग।

<><><><><><>

PM-MKB

प्रधानमंत्री नरेन्द्र मोदी होर म्हीने च इक बारी प्रसारत होने आले अपने रेडियो कार्यक्रम “मन की बात” इस बारी 30 मार्च गी देश विदेश च रौहने आले श्रोताएं कन्नै बचार सांझे करगन। हर म्हीने दे खीरले ऐतवार बडलै 11 बजे प्रसारत होने आले इस कार्यक्रम दी एह 120मीं किश्त होग। कार्यक्रम च शामिल करने लेई लोक अपने बचार ते सुझाह 28 तरीक तगर टोल फ्री नंबर 1800-11-7800 पर भेजी सकदे न। एह्दे इलावा लोक अपने बचार My Gov ते नरेन्द्र मोदी ऐप पर बी भेजी सकदे न। एह् कार्यक्रम आकाशवाणी ते दूरदर्शन दे समूलचे नेटवर्क दे इलावा न्यूज ऑन एयर मोबाइल ऐप पर बी उपलब्ध रौहग। एह्दे कन्नो कन्नी एह्दा सिद्धा प्रसारण ए.आई.आर न्यूज, डीडी न्यूज, प्रधानमंत्री हुंदे दफ्तर ते सूचना ते प्रसारण मंत्रालय दे यूट्यूब चैनलें पर बी कीता जाग। आकाशवाणी जम्मू पर मन की बात दे तुरत मगरा एह्दा डोगरी च अनुवाद प्रसारत कीता जाग। एह्दा डोगरी अनुवाद तुस रातीं 8 बजे इक बारी परतियै सुनी सकदे ओ।

<><><><><><>

Assam Govt.

असम सरकार नै फैसला लैता ऐ जे गुवाहाटी डिब्रूगर ते सिलचर च सब्बै अटिंटियां दकानां ते बपारिक संस्थान 24एं घैंटे खुल्ले दे रौहगन। मुख्यमंत्री बिस्व सरमा होरें इक संवाददाता सम्मेलन गी संबोधत करदे होई आखेआ जे राज्य मंत्रिमंडल नै गुवाहाटी ते होरने दऊं महत्वपूर्ण शैहरें च शराब दी हटिटयें गी छोड़ियै बाकी सब्बै हटिटियां ते बपारिक संस्थानें गी दिने रातीं खुल्ले रखने दी नीति गी मंजूरी देई दित्ती ऐ। उनें आखेआ जे एह्दे अलावा होरने शैहरें च बी हटिटियां बडलै 2 बजे तगर खुल्ली रौहगन, जिसलै के ग्रामीण इलाकें च रातीं 11 बजे तगर हटिटयें दकानें गी खुल्ला रखने दी इजाजत होग। उआं मजदूरें थमां बद्धोबद्ध 9 घैंटे गै कम्म कराने दी मंजूरी दित्ती गई ऐ। मुख्यमंत्री होरें आखेआ जे इस्से चाल्ली जेकर कोई संस्थान 24 घैंटे कम्म करदा ऐ ते उत्थें त्रै शिफ्टें च कम्म होग।

उनें अगगे आखेआ जे 24 घैंटे हट्टिएं दकानें गी खुल्ला रखने दे फ़ैसले कन्नै लौहके एघमें गी मदाद थ्होग ते शिफ्टें दी गिनतरी बधने करी रोजगार दे मते मौके पैदा होंगन।

<><><><><><>

Prez IOC

जिमबावे दियां किस्ती कवेंट्री होरें गी अंतर्राष्ट्रीय ओलंपिक कमेटी आईओसी दियां अध्यक्ष चुनेआ गेआ ऐ। एह्दे कन्नै ओह् अंतर्राष्ट्रीय ओलंपिक कमेटी दे इतिहास च महिला अध्यक्ष बनने आली पैहली महिला बनी गेइयां न। 41एं होर दियां किस्ती होरें गी ग्रीस दे कोस्टा नावारिनो च अंतर्राष्ट्रीय ओलंपिक कमेटी दे 144में सत्र च चुनेआ गेआ। कवेंट्री होरें गी पैहले राउंड च 49 वोट हासल होए जेह्दे 97 मते च बहुमत लेई लोड़चदी बरोबर गिनतरी ही। कवेन्ट्री होर आईओसी दे अध्यक्ष थामस बैच हुंदी थाहर औंगन। जिंदा 12एं बरें दा कार्यकाल 23 जून मगरा आधिकारिकतौर पर समाप्त होई जाग। अंतर्राष्ट्रीय क्रिकेट काउंसल आईसीसी दे अध्यक्ष जय शाह होरें क्रिस्ती कवेंट्री होरेंगी अंतर्राष्ट्रीय ओलंपिक कमेटी दी पैहली महिला अध्यक्ष बनने पर बधाई दित्ती ऐ।

<><><><><><>

Trump India Tarriif

अमरीकी राष्ट्रपति डॉनल्ड ट्रम्प होरें आखेआ ऐ जे उ'नेंगी मेद ऐ जे भारत शुल्क च कटौती करोग। श्री ट्रम्प होरें इक समाचार चैनल गी दित्ते गेदे इंटरव्यू च आखेआ जे भारत दे कन्नै अमरीका दे दोस्ताना सरबंघ न। उ'नें आखेआ जे ओह् 2 अप्रैल थमां पारस्परिक शुल्क दरां लागू करने दी अपनी योजना पर अगगे बध्छन। भारत—मध्य पूर्व—यूरोप आर्थिक गलियारे—आईएमईसी दे बारै च अमरीकी राष्ट्रपति होरें आखेआ जे इसी ओकड़े मुख्खें दा मुकाबला करने लेई इकजुट होने आहले मुख्खें दे सैहयोग दे रूपै च दिक्खेआ गेआ ऐ जेह्ड़े बपार दे गलत तरीकें राहें अमरीका गी नुकसान पुजाना चाह्दे न। आईएमईसी दा प्रस्ताव नमीं दिल्ली च 2023 जी-ट्वेंटी शिखर सम्मेलन दे दौरान रक्खेआ गेआ हा। भारत ते अमरीका दे कन्नै, सऊदी अरब, यूरोपी संघ, संयुक्त अरब अमीरात, फ्रांस, जर्मनी ते इटली नै इस परियोजना लेई इक समझौता ज्ञापन पर दस्तख्त कीते।

<><><><><><>

## US-Ukraine

अमरीका दे राष्ट्रपति डोनाल्ड ट्रंप होरें घाषणा कीती ऐ जे अमरीका तौले गै यूक्रेन कन्नै इक दुलभ खनिज समझौते पर दस्तखत करोग। कल व्हाइट हाउस च मीडिया कन्नै गल्लबात दरान ट्रंप होरें आखेआ जे उनें अमरीका दे दुलर्भ खनिजें दे उत्पादन गी बढ्त्रावा देने लेई कार्यकारी आदेश बी जारी कीते हे। अमरीकी राष्ट्रपति होरें रूस-यूक्रेन विवाद पर युद्ध विराम लेई आसें मेदें आली दृष्टिकोण पेश कीता। उनें आखेआ जे दौनें मुख्यें कन्नै उंदी गल्लबात दे बाद शांति स्थापत करने दे जतन अच्छे चला'रदे न।

<><><><><><>

## Squash

एसआरएफआई इंडियन टू 2025 स्कवैश दे फाइनल च अज्ज भारत दी आकांक्षा सालुंखे दा मकाबला भारत दी गै अनाहत सिंह कन्नै होग। एह मैच दप्टूरी ढाड़ बजे शुरू होग। आकांक्षा नै जोशना चिचिनप्पा गी हराइयै फादनल च अपनी थाहर पक्की कीती ही। जिसलै के 17एं ब'रे दी अनाहत नै सैमीफाइनल च दक्खन अफ्रीका दे हेले वार्ड गी हराया हा। मर्द वर्ग दे फाइनल च अज्ज भारत दे वीर चोटरानी दा सामना फ्रांस दे मेलबिल साइनीमैनिको कन्नै होग। वीर नै कल सैमीफाइनल च श्रीलंका दे रविन्दू लकसिरि गी हराया हा।

<><><><><><>

## Hamas Israel

इजराइल आस्सेआ गाजा च सैन्य हमले परतियै शुरू करने दे बाद हमास नै तेल अवीव पर राकेट दागियै ब्हाई हमला करी दित्ता। इजराइली रक्षा बल आईडीएफ नै आखेआ जे इक राकेट गी पैहले गै रोकी दित्ता गेआ जिसलै के 2 होर गैर रिहायशी इलाके च जाइयै डिग्गे। तोआई गाजा च हमास आस्सेआ चलाए जा'रदे सेहत मंत्रालय नै दस्सेआ जे इजराइली हमले च 85 फिलिस्तीनिंग दे अलावा मंगलवारें कोला लेइयै हुन तोड़ी 500 शा मते लोक मारे गे न। मंत्रालय नै एह बी आखेआ जे ताजा हमले च 133 लोक घायल होए न। इस ब'रे जनवरी च युद्धविराम दे बाद इजराइली सेना नै बुधवारें पैहली बारी गाजा च प्रवेश कीता ते इस हिस्से गी बक्ख करने आले इक महत्वपूर्ण गलियारे पर कब्जा करी लैता।

इजराइली सरकार दा दावा ऐ जे ओह्दे 59 नागरिक अजें बी हमास दे कब्जे च न, जिंदे चा  
24एं दे जिंदा होने दी मेद ऐ।

<><><><><><>